

Béâracié kêra tii kà Ioane Bétapoo popai

Wàilàapà na wii tii bèeni?

Wà Ioane. (Còo 1 Ioane Bétapoo popai.)

É wii wiidà?

Nabibiu kêra *naja 85 ma 100.

É wii tâi?

Tà pwi jè a pitûâ kêra wâra pwapwicîri, na nee Gaius. Pwiri pwi jè ârapàara tèpa âracié âboro na inarà naa na *Tii Pwicîri. É, pwiri pwi jè âboro, na é pwi a pitûâ kêra wâra pwapwicîri wâ Pergame.

Cina é wii?

Pwa pwi jè âboro na nee Diotrèphe na é dau pwa na èpà naa na wâra pwapwicîri. Tàutêe na é pitêre dâra ê pitûâ kà Ioane, ba é pwi maina nûma. Â é pacoo pàra tèpa pwa pupûra gée na wâra pwapwicîri (1.9-10). Êco na càcaa wàrapwiri ê pai pwa kà Gaius. Â wà Ioane, âna é wii têe, ba na é pagòé, ba na é ciburà pwa na wâdé, ma pa-icôé goo wà Diotrèphe.

Rà niimiri wà pàra tèpa dotée goro ê Tii Pwicîri pâ, wà Ioane, âna é wii âracié tii kêe na caapwi pàara, â é naa tà Démétrius (1.12), ba na é naa tà Gaius ma wâra pwapwicîri kêe:

- *1 Ioane*, âna pupûra târa diri pâ wâra pwapwicîri naa na province Asia (wâ napô Turquie nabà), ba ticè ipwabwàcu ma ipicijii naa na tii.
- *2 Ioane*, âna tii târa ê wâra pwapwicîri kâ Gaius (â câé caa ina neerà ba péa o tubaèpà târa).
- *3 Ioane*, âna tii tà Gaius co, ba na é paari tée wà Démétrius, pwi a popa tii, ma pa-icôôê goo Diotrèphe.

Dà êre ê tii bèeni?

Âracié âboro na, na jè pa cè napârajè géé goorà, naa na tii bèeni:

- Gaius, ba wâro kêe, âna wâdé ma *târù, â é tòpi bwàti diri tèpa âboro kâ Pwiduée, na rà tèepaa naa napô kêe (1.3,5)
- Démétrius, ba é pwi âboro na é pâra na âjupâra (1.12)
- Diotrèphe (côo naadòbà), ba é pwa na èpà, â jè cibwaa ipwacèwiié!

Wà Ioane, âna é ina ba wâdé tèpa âji ênawéna kâ Pwiduée na rà ipâra géé na jè ére naa na jè ére, ba na rà picémara ê popai ma pagòo tèpa cèikî wê. Napârajè, wàijè tèpa naí Pwiduée, na jè tòpirà bwàti ma pitu târa (1.6–8).

Wà tàpéebà, âna càcaa tèpa pacâmu na é inarà ba èpà, naa na *2 Ioane* 1.7. Jè pinadârù du pubu goro âboro bèepwiri, wiâra ê popai na *2 Ioane* 1.8. Ba wà pâra pwi, âna rà déi goo ê picémara kâ Kériso; â wà pâra tàpé, âna rà pâiti jii.

Pai pitàgoo tii 3 Ioane

Ipwabwàcu (1.1–4)

Wâdé pai tòpi'gà wà tèpa béejè (1.5–12)

É pi-ina Ioane wà Diotrèphe (1.9–11)

Ipicijii (1.13-15)

Ipwabwàcu

¹ Wâgo [Ioane] pwi ijiao [naa na cèikî] âna go pwa tii tâgà, co Gaius, na dau wânümoò tâgà*.

² Pwi âji béeò, dau nümüo na gà piégòtùru naa na diri pai pwa goo. Ba gà jèe piétò, naa na ê nyuâa, â nümüo mwara, na gà piégòtùru, naa na nairi âboro.

³ Na ia rà wâjué cõwâ maribà wà tèpa cèikî béejè, â rà ciburà piwiâ tâbà ê wâro'gà na wâdé ma *târù, ma pai tà mwü'gà naa goo ê *ÂJUPÂRA. Â go nye dau ipwàdéé kaa na go tère pwiri!

⁴ Ba nye ticè muru na é nama go dau ipwàdéé, jii na go tère pâ, rà pâra bwàti wiâra ê ÂJUPÂRA, wà tèpa naiô naa na nee Pwi Ukai†.

Wâdé pai tòpi'gà wà tèpa béejè

⁵ Pwi âji béeò wée, gà paari taaci pâ, gà pwi âji a cèikî. Ba gà cau tòpi bwàti diri tèpa béejè‡, [na rà tèepaa naa napô'gà]. Gà cau tòpi tàpé na gà tâmogòorirà, ma wà mwara tàpé na câgà caa tâmogòorirà. Â nye dau wâdé kaa ê pai pwa'gà.

⁶ Rà cau piwiâ târa ê wâra pwapwicîri bèeni, ê pimeari'gà.

Â go ilari jii gâ mwara pâ, gà pitu tà tàpé na rà wàrapwiri, ma naa tàra cè pwina tiâu jii rà, ba na rà

1:1 Apostolo 19.29; Roma 16.23 * **1:1** Na dau wânümoò tâgà—é, Na wânümoò tâgà géé goo ê âjupâra na é tâa goojü. **1:3** 2 Ioane 1.4 † **1:4** Tèpa naiô naa na nee Pwi Ukai—Grec: Tèpa naiô (tàpé na é nama rà cèikî naa goo Iésu). ‡ **1:5** Tèpa béejè—Pai ina wèè ni, tàpé na rà me, ba na rà pacâmuri tèpa cèikî. **1:6** Tito 3.13

nye coo gòobàra wakè kàra. Ba wâdé tà Pwiduée, na jè pitu tâjè wàrapwiri.

⁷ Ba wà tàpéebà, âna rà pâra naa na nee Iésu *Kériso, ba na rà wakè ba kâ tàpé na càra caa pâji cèikî naa gooé. Êco na nye ticè jè muru, cèna rà ilari jiià.

⁸ Napârajè na jè pitu tàra, wàjè tèpa naí Pwiduée, ba na jè tèpa bére wakè kàra, naa goro picémara é ÂJUPÂRA.

É pi-ina Ioane wà Diotrèphe

⁹ Go wii paé béaa é tii§, târa é wâra pwapwicîri'gà. Êco na wà Diotrèphe, âna tàutêe dàra tère é pwina go ina. Ba nùmee dàra pitûâ kàwà diri.

¹⁰ Â wiàna go mwa tèepaa mariwà, â go mwa inapàpari diri pâ pwina é pwâgàribà goo.

Jèpwi mwara: Cáo caa tòpi tèpa âboro kà Pwiduée, na rà tèepaa dariwà. Â é papwicîri jii tèpa cèikî na rà tòpirà. Â wiàna rà tòpirà wà pâra tàpé, â é pacoora géé na wâra pwapwicîri!

¹¹ Pwi âji béèò, gà cibwaa ipwacèwii tàpé na rà wàrapwiri! Ba pâ tûâ kàra na èpà, âna paari pâ càra caa tâmogòori Pwiduée. Wâdé na gà ipwacèwii tàpé na rà pwa na wâdé, ba pâ càràrà, âna paari pâ rà tèpa âji âboro kà Pwiduée.

¹² Napwa naa goo wà Démétrius, [âna wâdé na guwà tòpié bwàti]. Ba wâru tèpa cèikî na rà pi-inaé ba wâdé. Â é pâ tûâ kêe na âjupâra, âna *paâjupâraé. Â wàibà, âna bà paâjupâraé mwara. Â é pwina bà ina, âna gà nye tâmogòori pâ, nye âjupâra.

1:7 1 Korénito 9.12 § **1:9** Ê tii—Pwi jè tii kà Ioane, na càcaa tâa na Tii Pwicîri. **1:11** 1 Ioane 3.6-10

Ipicijii

¹³ Wâru ê pâ muru, na nümoo na go ina tâgà, êco na câgo caa wii paé naa na cè tii.

¹⁴ Ba go wâari pâ, o mwa nye ipitiju, â ju mwa nye pitùra géé.

¹⁵ Wâdé na tâa jaagà, ê *aupwényu-nyuâari, bau ê pinaanapô kà Pwiduée! Cidòri nyuâagà!

Wà tèpa béegà, âna rà naa paé ê bwàcu'gà. Bwàcu mwara kà tèpa cèikî béejè, na rà wâjaagà. Jèpa bwàcu kàra jècaa.

[Topai tâgà.]

Tii Pwicīri: Âmu Aamwari naa na cî
New Testament in Paicî (NC:pri:Paicî)
Le Nouveau Testament à Paicî

copyright © 2012 Wycliffe Bible Translators, Inc.

Language: Paicî

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Paicî

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 18 Apr 2025 from source files
dated 29 Jan 2022

94c5d202-9853-5b91-879f-4a3023457d58